

SAKSPAPIR

Saksnr	Utval	Type	Dato
107/18	Formannskapet	PS	22.11.2018

Saksbehandlar	ArkivsakID
Hogne Haugsdal	14/5482

Kommunal deltaking og finansiering til prosjektet LivOGLyst Hjelmås

Vedlegg :

Hjelmås søknad til LivOGLystSøknad om kommunal deltaking og finansiering_LivOGLyst

Rådmannen sitt framlegg til vedtak

- Lindås kommune støttar det 3-årige prosjektet LivOGLyst Hjelmås med kr 30.000 per år i prosjektperioden, totalt kr 90.000
 - Midlane blir henta frå næringsfondet
 - Kultursjef blir kommunen sin kontaktperson i prosjektet.
-

Formannskapet - 107/18

FO - behandling:

Rådmannen sitt framlegg vart samrøystes vedteke.

FO - vedtak:

- Lindås kommune støttar det 3-årige prosjektet LivOGLyst Hjelmås med kr 30.000 per år i prosjektperioden, totalt kr 90.000
 - Midlane blir henta frå næringsfondet
 - Kultursjef blir kommunen sin kontaktperson i prosjektet.
-

Saksopplysningar:

Saka skal avgjerast i formannskapet.

Bakgrunn

LivOGLyst er eit program for lokalsamfunnsutvikling i regi Hordaland fylkeskommune, Innovasjon Norge og Fylkesmannen i Hordaland. Føremålet med programmet er å styrkja lokalsamfunn i brei forstand med omsyn til lokal identitet, bulyst og lokalt næringsliv. Meir informasjon om programmet: <https://www.hordaland.no/nn-NO/naringsutvikling/attraktive-regionale-senter/tilskot-liv-og-lyst/>

For å utvikle bygda Hjelmås har Bygdelaget 5915 søkt om å få vere med i programmet LivOGLyst. I 2018 har dei vore med i eit ettåring prosjekt der føremålet har vore å mobilisere bygda til ulike aktivitetar og vidare arbeid. Bygdelaget 5915 har vidare søkt om å bli med i eit 3-årig prosjekt der programmet bidrar med kr 100.000 per år. Bygdelaget 5915 har fått tilbagemelding om at dei er tatt inn i det 3-årige programmet for LivOGLyst. Føresetnaden er at det er kommunal deltaking og at kommunen må medverke med minst kr 30.000 årleg til prosjektet.

Prosjektet har namnet «Korleis skape kortreist glede her me bur». Målet er å mobilisere folk til å delta på ulike arenaer i bygda og skape engasjement rundt ulike aktivitetar. Prosjektmåla er følgjande:

- vera ein arena for folk sine idear, skape stader der idear kjem opp, og kunne ta tak i desse.
- få folk til å delta aktivt
- halda fram det gode arbeidet og realisera idear, prøve ut idear og teste dei for bærekraft.
- få med alle aldersgrupper og ulike grupperingar i bygda.

Målet er at dei vil teste ut idear og ser om dei er bærekraftige over tid. Dei vil både sikre langsiktige og kortsiktig innsats skal gjennomførast. Målet må vera at med tida skal ting kunne gå av seg sjølv. Bygdelaget si rolle er å vera fødselshjelpa for initiativ som folk kjem med, vera kanal og samanbindar og sikre økonomisk tryggleik for risikoaktivitetar.

Prosjektet ønskjer å skape ei bærekraftig bygd med livskraft og livsglede. I dette inngår både det sosiale, det kulturelle og det å skape arbeidsplassar. Møteplassar og aktivitetar som varer over tid og står att etter dei tre åra i LivOGLyst.

Vurdering:

I kommuneplanen sin samfunnsdel er det lagt vekt på at ein skal ta heile kommunen i bruk og at det er viktig med levande bygder. Lindås har mange frivillige lag og organisasjonar som bidrar til stor aktivitet i bygdene, og er med på å skape gode og attraktive nærmiljø. Det at Bygdelaget 5915 satsar på ei målretta utvikling av Hjelmås-bygda er eit prisverdig og godt initiativ, og dei brukar krafta i det frivillige arbeidet til å skape liv og aktivitet i bygda.

Det er eit kvalitetsstempel at prosjektet no er tatt inn i det 3-årige løpet i LivOGLyst-programmet, og rådmannen ser positivt på at kommunen deltar og bidrar med finansiering. Næringsfondet til kommunen har som føremål å styrke og fremje kommunen sitt arbeid med næringsutvikling, og under punkt 3b i retningslinene er det presisert at fondet kan støtte prosjekt med klar samfunnsnyttig relevans og aktualitet. LivOGLyst Hjelmås er eit samfunnsprosjekt for å skape aktivitet og engasjement i bygda, og i dette ligg det også aktivitetar som kan bidra til næringsutvikling og arbeidsplassar.

Rådmannen rår til at Lindås kommune støttar LivOGLyst Hjelmås med kr 30.000 per år i prosjektperioden, totalt kr 90.000. Midlane blir henta frå næringsfondet. Kultursjef blir kommunen sin kontaktperson i prosjektet. Prosjektet skal sende kommunen ei årleg rapportering og ei sluttrapportering når prosjektet er avslutta.

.....